



Kommunalbestyrelsi 25. Maj 2022 nal. 10:00

Kommune Qeqertalik Kommunalbestyrelsi
09-2022

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqa	S
Frederiksen, Ole I.	S

Ataatsimiinnermi aqutsisoq:

Ane Hansen, IA

Allatsi:

Benedikte Olrik aamma Arnannguaq

Hendriksen

Ataatsimiinneq:

Teamsikkut

ULLORMUT OQALUSERISASSAT

22-031 Kommune Qeqertalimmi sulisoqarnermut immikkoortortap aaqqissugaanera.....	3
22-032 Utoqqarnut siunnersuisooqatigiinnut Kommune Qeqertalimmi ileqqoreqqusanik allanngortitsineq	5
22-033 Utoqqarnut siunnersuisooqatigiinnut ilaasortanik toqqaanissamik kinguartitsineq	8
22-034 Innarluutilinnut siunnersuisooqatigiinnut Kommune Qeqertalimmi ileqqoreqqusanik allanngortitsineq	10
22-035 Nerisassat pillugit politikimi suleriaaseq pillugu siunnersuut	13
22-036 Taaguusersueriaaseq.....	15
ILISIMATITSISSUTIT	17
22-037 ESANI A/S-imi suliat pillugit ilisimatitsineq	17
22-038 Kommune Qeqertalimmi ukioq 2018 utoqqaat pillugit qulaajaanermi nalunaarusiaq pillugu ilisimatitsissut	19
ATAATSIMIINNEQ NAAVOQ:	20
ATSIORFISSAQ:.....	20

Oqaluuserisag	Oqaluuserisassat akuerineqarnerat
----------------------	--

Oqaaseqaatit:

AALAJANGERNEQ:

--

Suliap nr.	22-031	Ilanngussap normua	31	Journal nr.	
-------------------	---------------	---------------------------	-----------	--------------------	--

Eqqartugaq	22-031 Kommune Qeqertalimmi sulisoqarnermut immikkoortortap aaqqissugaanera
-------------------	--

EQIKKAANEQ:

Kommune Qeqertalimmi sulisoqarnermut immikkoortortap aaqqissugaanerata allanngortinneqarnissaannik siunnersuut. Kommunimi illoqarfinni tamani sulisoqarnermut tunngasunik suliallit, ulluinnarni aqutsisuattut sulisoqarnermut pisortaq toqqaannartumik pisortanngortillugu sulisoqarnermut immikkoortortami aaqqissugaanerata aaqqiivigineqarusuppoq.

SULIAP SAQQUMMIUNNEQARNERA:

Maanna aaqqissuussaaneq aallaavigalugu, sulisoqarnermut tunngasunik suliallit illoqarfigisaminni suliassanik suliaqartarput, una suliaq akuerineqarpat suliata nikisinneqassanngillat. Aamma maanna aaqqissuussaaneq aallaavigalugu, illoqarfinni sulisoqarnermut tunngasunik suliaqartut qaninnertut illoqarfinni sullissivinni pisortat qaninnertut sulisitsisorivaat, tamanna aaqqiivigineqarusuppoq, sulisoqarnermut pisortaq ulluinnarni aqutsisunngortillugu.

ANINGAASATIGUT KINGUNISSAT:

Qaninnertut sulisitsisunik allannguneq aningaasanik nuussinermik kinguneqassaaq, ima:

Akissarsiasanut aningaasartuutit kr.	Nuussineq	
	Kontomit uannga	kontomut uunga
373.928,69	1100400110	1100000110
382.958,83	1100300110	1100000110
376.553,77	1100100110	1100000110
382.442,83	1100350110	1100000110
Katillugit 1.515.884,13		

Akissarsuanut aningaasartuutit nuunneqarpata, HR-imi ukiumut katillugit kr. 2.958.597,39 akissarsianut aningaasartuutigineqartalissapput. Inuani akissarsianut aningaasartuutissatut missingiunneqarsimapput kr. 22.000.000,00, nuussinermilu kr. 23.515.884,13-inngussallutik. HR-imi akissarsiasanut aningaasartuutit Inuani akissarsiasanut missingersuutiniit procentinngorlugu 13%-iupput.

KINGUNISSAT:

Inassuteqaat akuerineqarpat illoqarfinni sulisoqarnermut tunngasunik suliallit sulisoqarnermut pisortaq qaninnertut sulisitsisorilissavaat, taamaalillunilu suleriutsinik assigiissaarineq pisariinnerulissaaq, kiisalu Kommune Qeqertalimmi atorfeqarnermi atorfilinnut tunniunneqartartut assigiinnerulerlutik. Suliassaqaarfik Inuani sulisoqarnermut immikkoortortami maanna pingasunik sulisoqarpoq. Inassuteqaat akuerineqarpat suliassaqaarfik Inuani sulisoqarnermut immikkoortortami sulisut arfineq marlungussapput.

INATSISITIGUT TUNNGAVIUSOQ

Kommune Qeqertalimmi pisinnaatitaaffiit pillugit pilersaarut (Kompetenceplan)

SULIAP SULIARINEQARFIA:

Ataatsimiititaliaq Inua aamma kommunalbestyrelsi

INASSUTEQAAT:

Qullersaqarfiup ataatsimiititaliaq Inuanut inassutigaa siunnersuutit uku akuerineqassasut:

- Sulisoqarnermut immikkoortortap aaqqissugaanerata allanngornissaanut siunnersuut akuerineqassasoq, illoqarfinni sulisoqarnermut suliallit sulisoqarnermut pisortamik sulisitsisoqalernissaat
- Akissarsiassanut aningaasartuutissat illoqarfinniit Inua fælles-imut nuunneqassasut
- Suliaq Kommunalbestyrelsimut ingerlateqqinneqassasoq

ILANNGUSSAT:

Ilanngussaq 31-01 Qeqertalimmi sulisoqarnermut immikkoortortap aaqqissugaaneri

AALAJANGERNEQ:

Ataatsimiititaliaq Inua 17. Maj 2022 ataatsimiinnermi aalajangernera:

--

AALAJANGERNEQ:

--

Suliap nr.	22-032	Ilanngussap nr.	32	Journal nr.	
Sammisag	22-032 Utoqqarnut siunnersuisooqatigiinnut Kommune Qeqertalimmi ileqqoreqqusanik allanngortitsineq				

EQIKKAANEQ:

Siunnersuutigineqarpoq, utoqqarnut siunnersuisooqatigiinnut ileqqoreqqusat allanngortinneqassasut taamaalluni kommunimi tamarmi ataatsimoortumik innarluutilinnut politikeqalissammat. Taassuma saniatigut siunnersuutigineqarpoq, ilaasortat katiternerat kiisalu ilaasortat qinersinikkut toqqarneqartassasut.

Utoqqarnut siunnersuisooqatigiinnut qineqqusaartut qinersinissamut qulinik qinigassanngortitsissapput.

Ileqqoreqqusat allanngortinnerisigut utoqqaat sunniuteqarnerusinnaapput kina utoqqaat siunnersuisooqatigiivini sinniisuussanersoq toqqassallugu. Tamanna utoqqarnut aalajangeeqataasinnaanermik pilersitsissaaq, illoqarfiit tamarmik utoqqaat siunnersuisooqatigiivini ilaasortaqaassapput.

SULIAP SAQQUMMIUNNEQARNERA:

Massakkut kommunimi ileqqoreqqusat malillugit utoqqarnut siunnersuisooqatigiit siunertaraat ataatsimiititaliaq INUIT-nut kommunalbestyrelsimullu siunnersuutini pingaarutilinnik tusarniaatitsisassallutik siunnersuuteqartassallutillu aamma utoqqaat pillugit sulianut INUIT imaluunniit kommunalbestyrelsimit nassiunneqartunit.

Massakkut kommunimi ileqqoreqqusani allaqqavoq, illoqarfinni tamani utoqqarnut siunnersuisooqatigiinnik pilersitsisoqassasoq. Siunnersuisooqatigiit arfineq marlunnik ilaasortaqaassaaq, taakkunani pingasut utoqqaat peqatigiiffiinnut sinniisuussallutik. Ilaasortaq ataaseq Ataatsimiititaliaq INUIT-nit toqqarneqassaaq ataatsimiititalilu ilaasortaasariaqarani. Taassuma saniatigut illoqarfinni tamani utoqqarnut siunnersuisooqatigiinni ilaasortaqaassalluni: Angerlarsimaffimmi ikiortini aqutsisoq, utoqqaat illuanni aqutsisoq aamma utoqqaat ornittagaanni aqutsisoq.

Ukioq kingulleq kommunimi meeqqanut siunnersuisooqatigiinnut qinersineq isumassarsiorfigalugu siunnersuutigineqarpoq, utoqqarnut siunnersuisooqatigiit katiternerat allanngortinneqassasoq utoqqaat utoqqarnit qinerneqartussanngorlugit. Tamatuma qulakkiissavaa utoqqaat aalajangeeqataasinnaanerunissaat kina utoqqarnut siunnersuisooqatigiinni sinniisorinissaa pillugu. Taamaattumik kommune utoqqarnut siunnersuisooqatigiinni sinniisoqassanngilaq. Taamaattumik utoqqaat nammineerlutik utoqqarnut siunnersuisooqatigiit suliaannik aalajangiinissaminut periarfissaqaassapput.

Siunnersuummi ileqqoreqqusani nutaani utoqqarnut siunnersuisooqatigiit siunertaat, atuuffiat suliassaallu ersarinnerulersinneqarput.

Siunnersuutigineqarpoq, inuit utoqqarnut siunnersuisooqatigiinnut qinerneqarsinnaassasut aamma taasisinnaassasut 60-inik ukioqalereersimasut imaluunniit sinnerlugit. Tassa utoqqalinersiaqartuunissaaq taamaalluni piumasaqaataannilaq.

Utoqqarnut siunnersuisooqatigiinnut qinigassanngortittussat qinersinissamut qinigassanngortinnissaminut tapersersorneqarnissaat qulakkeerniarlugu, piumasaqaateqartoqarpoq

qinigassanngortittut qulinit qinigassanngortitsisoqassasut. Tamanna imaappoq, utoqqaat qulit utoqqarnut siunnersuisooqatigiinnut taasisinnaasut sinniisoq sinnerlugu qinigassanngortitsisutut akuersisummik immersuissasut, qulakkeerniarlugu qineqqusaartup qinigassanngortinnissaa.

Kommunimi illoqarfinni tamani sinniisoqarnissaq qulakkeerniarlugu ileqqoreqqusani aalajangersaasoqarpoq, illoqarfinni ukuninnga sinniisussaqaassasq:

- Aasianni ilaasortat marluk sinniisussaalu qinerneqassasut
- Kangaatsiami ilaasortaq ataaseq sinniisussaalu qinerneqassasut
- Qasigiannguani ilaasortaq ataaseq sinniisussaalu qinerneqassasut
- Qeqertarsuarmi ilaasortaq ataaseq sinniisussaalu qinerneqassasut

Aasianni innuttaasut amerlassusaat tunngavigalugu Aasianni ilaasortanik marlunnik qinersisoqassaaq.

Utoqqarnut siunnersuisooqatigiit ukiuni sisamani atuuffeqassapput, taamaattoq ilaasortat atuutissapput ilaasortanik nutaanik qinersisoqarnissaata tungaanut,

Kommunalbestyrelsimi ileqqoreqqusat akuerineqareerpata tamanut ammasumik tusarniaassutigineqassapput. Tusarniaanermut piffissarititaq naammassippat tusarniaanermi akissutit suliarineqassapput. Tamatuma kingorna tusarniaanermi akissutit aamma ileqqoreqqusat Ataatsimiititaliaq INUIT-nut akuerisassanngorlugu nassiunneqassaaq, kingornatigullu kommunalbestyrelsimut. Inaarutaasumik akuersisoqareerpat utoqqarnut siunnersuisooqatigiinnut ilaasortanik qinersinissamut qinersititsineq aallartissaaq.

ANINGAASATIGUT KINGUNISSAT:

Utoqqarnut siunnersuisooqatigiivnik sisamanit ataasiinnanngortitsilluni allannguinermi, naatsorsuutigineqarpoq allaffissornikkut aningaasartuutit aningaasaliissutaasussat minnerulissapput.

Naatsorsuutigineqarpoq utoqqarnut siunnersuisooqatigiinnut qinersinermut atatillugu aningaasaqartuuteqarnerusoqassasq. Naatsorsuutigineqarpoq aningaasartuutit piffissami qinersiviusumi 21.000 koruunit missaaniittassasut, tassa ukiut sisamakkaarlugit. Qinersinermut aningaasartuutit Konto 65008-mut Suliaqarnikkut ataqatigiissaarisoq INUIT-nut nalunaarsorneqassapput

KINGUNEQAATIT:

Allannguutit kingunerissavaat, kommunimi tamarmi utoqqarnut siunnersuisooqatigiit ataatsimuulissasut utoqqarnut siunnersuisooqatigiit sisamat taarserlugit.

Taassuma saniatigut allannguutit kingunerissavaat, utoqqarnut siunnersuisooqatigiit ilaasortaat qinersinikkut nanineqassasut. Siunnersuisooqatigiit utoqqaassapput taamaallaat utoqqarnit qinerneqartut. Kommunimi sinniisut taamaalillutik utoqqarnut siunnersuisooqatigiinnut ilaajunnaassapput.

INATSISITIGUT TUNNGAVIK:

Kommune Qeqertalimmi utoqqarnut politikki

SULIAP SULIARINERA:

Kommunalbestyrelsip kommunimi utoqqarnut siunnersuisooqatigiinnut ileqqoreqqusanut nutaanut siunnersuut isummerfigissavaa. Kommunalbestyrelsip akuersereernerata kingorna tamanut ammasumik tusarniaassutigineqassapput.

Tamanut tusarniaanermut piffissaliussaq qaangiuppat tusarniaanermi akissutit aamma ileqqoreqqusat Ataatsimiititaliaq INUIT-nut akuerisassanngorlugu nassiunneqassaaq, kingornatigullu kommunalbestyrelsimut.

INASSUTEQAAT:

Inassuteqaatigineqarpoq:

- kommunalbestyrelsimit kommunimi utoqqarnut siunnersuisooqatigiinnut ileqqoreqqusat nutaat akuerineqassasut
- ileqqoreqqusat akuerineqassappat ileqqoreqqusat tusarniaassutigineqassasut
- tusarniaareernerup kingorna ileqqoreqqusat Ataatsimiititaliaq INUIT-nut kommunalbestyrelsimullu inaarutaasumik akuerisassanngorlugu nassiunneqassasut

ILANNGUSSAQ:

Ilanngussaq 32-01 Forslag til nye vedtægter for Ældrerådet i Kommune Qeqertalik

Ilanngussaq 32-02 Nuværende vedtægter for Ældrerådet i Kommune Qeqertalik gældende fra 16.09.2019

AALAJANGIINEQ:

--

Suliap nr.	22-033	Ilanngussap nr.	33	Journal nr.	
Sammisaq	22-033 Utoqqarnut siunnersuisooqatigiinnut ilaasortanik toqqaanissamik kinguartitsineq				

EQIKKAANEQ:

Siunnersuutigineqarpoq, utoqqarnut siunnersuisooqatigiinnut ilaasortanik toqqaanissaq kinguartinneqassasoq Kommune Qeqertalimmi utoqqarnut siunnersuisooqatigiinnut ileqqoreqqusanut nutaanut siunnersuut ataatsimiititaliami attuumassutilimmi tusarniaassutigineqarnissaata suliarineqarnissaatalu tungaanut. Kinguartitsineq ima paasisariaqarpoq, aatsaat 2022-mi oktobarimi utoqqarnut siunnersuisooqatigiinnut ilaasortat nanineqassasut.

SULIAP SAQQUMMIUNNEQARNERA:

Kommune Qeqertalimmi ileqqoreqqusat allanngortinneqarnissaannut siunnersuutip kommunalbestyrelsimi suliarineqarnissaanut atatillugu siunnersuutigineqarpoq, utoqqarnut siunnersuisooqatigiinnut ilaasortanik toqqaanissaq maanna ileqqoreqqusat malillugit kinguartinneqassasoq utoqqarnut siunnersuisooqatigiinnut ileqqoreqqusat allanngortinneqarnissaat pillugu siunnersuutip ataatsimiititaliami attuumassutilimmi tusarniaassutigineqareernissaata suliarineqarnissaatalu tungaanut.

Massakkumut utoqqarnut siunnersuisooqatigiinnut ilaasortanik nutaanik toqqaasoqanngilaq ilaasortaasimasut toqqarneqarnerat ukioq kingullerlu qaangiummat. Ileqqoreqqusat atuuttut malillugit illoqarfinni tamani utoqqarnut siunnersuisooqatigiinnik toqqaasoqassaaq.

Kommunalbestyrelsimut siunnersuummik nassisoqarpoq utoqqarnut siunnersuisooqatigiinnut ileqqoreqqusat allanngortinnissaat pillugu, taamaalilluni ilaasortat utoqqaat utoqqarnit qinerneqartussanngorlutik. Taassuma saniatigut siunnersuutigineqarpoq, Kommune Qeqertalimi tamarmi ataatsimut utoqqarnut siunnersuisooqatigiinnik pilersitsisoqassasoq illoqarfinni tamani utoqqarnut siunnersuisooqatigiinnut taarsiullugu.

Piffissaliussaq ataani allaqqasoq tunngavigalugu naatsorsuutigineqarpoq 2022-mi oktobarip aallartinnerani utoqqarnut siunnersuisooqatigiinnik qinersisoqassasoq.

Utoqqarnut siunnersuisooqatigiinnut ileqqoreqqusat allanngortinneqarnissaannut piffissarititaq naatsorsuutigisaq:

- Ileqqoreqqusat allanngortinnissaat pillugu siunnersuut kommunalbestyrelsip ataatsimiinnerani maajimi 2022-mi suliarineqassaaq
- Ileqqoreqqusat akuerineqassappata ileqqoreqqusat tamanut ammasumik tusarniaassutigineqassapput juulip aallaqqaataani 2021-mut killilimmik
- Tusarniaassutigineqareerpat tusarniaanermi akissutit ileqqoreqqusamut allannguutaasinnaasullu ilanngunneqassapput
- Ileqqoreqqusat tusarniaanermilu akissutit Ataatsimiititaliaq INUIT-nut aggustimi 2022-mi saqqummiunneqassapput
- Ataatsimiititaliaq INUIT-nit ileqqoreqqusat akuerineqassappata ileqqoreqqusat kommunalbestyrelsip ataatsimiinnissaanut ulloq 31. aggusti 2021-mi akuerisassanngorlugit nassiuunneqassapput
- Ileqqoreqqusat akuerineqassappata kommunalbestyrelsip ileqqoreqqusat ilisimatitsissutigineqassapput

- Qinersititsineq septembarip ingerlanerani aallartisarneqassaaq
- Qinersineq 2022-mi oktobarip aallartinnerani ingerlanneqassaaq

Kinguartitsineq ima isumaqarpoq, 2022-mi oktobari sioqqullugu illoqarfinni utoqqarnut siunnersuisooqatigeeqassanngitsoq.

Kommunimi pisariaqartinneqarpoq utoqqaat aalajangiinernut utoqqarnut pingaarutilinnut atatillugu tusarneqarnissaat, taamaalilluni tusarniaanerit najukkami utoqqaat peqatigiiffiit taarsiullugu nassinneqarsinnaassallutik.

ANINGAASATIGUT KINGUNISSAT:

Ilaasortanik toqqaanissamik kinguartitsineq aningaasatigut kinguneqassanngilaq

KINGUNEQAATIT:

Kinguartitsineq ima isumaqarpoq, 2022-mi oktobari sioqqullugu illoqarfinni utoqqarnut siunnersuisooqatigeeqassanngitsoq.

Aammattaaq kinguartitsineq isumaqarpoq, illoqarfinni tamani utoqqarnut siunnersuisooqatigiinnik toqqaasoqassanngitsoq, qaammatini tallimaannarni toqqaarneqartussanik, utoqqarnut siunnersuisooqatigiinnut ileqqoreqqusanut nutaanut siunnersuut akuerineqassappat.

INATSISITIGUT TUNNGAVIK:

Kommune Qeqertalimmi utoqqarnut politikki

SULIAP SULIARINERA:

Kommunalbestyrelsip isummerfigissavaa utoqqarnut siunnersuisooqatigiinnut ilaasortanik nutaanik toqqaanissamut kinguartitsinissamut siunnersuutip akuerineqarnissaa.

INASSUTEQAAT:

Inassuteqaatigineqarpoq:

- Kommunalbestyrelsip isummerfigissagaa utoqqarnut siunnersuisooqatigiinnut ilaasortanik nutaanik toqqaanissamut kinguartitsinissamut siunnersuutip akuerineqarnissaa

ILANNGUSSAQ:

Ilanngussaq 33-01 Kommune Qeqertalimmi Utoqqaat siunnersuisooqatigiivnut ileqqoreqqusaq 16.09.2019 atuutilersaq

AALAJANGIINEQ:

--

Suliap nr.	22-034	Ilanngussap nr.	34	Journal nr.	
Sammisag	22-034 Innarluutilinnut siunnersuisooqatigiinnut Kommune Qeqertalimmi ileqqoreqqusanik allanngortitsineq				

EQIKKAANEQ:

Siunnersuutigineqarpoq, innarluutilinnut siunnersuisooqatigiinnut ileqqoreqqusat allanngortinneqassasut taamaalilluni kommunimi tamarmi ataatsimoortumik innarluutilinnut politikeqalissammat. Taassuma saniatigut siunnersuutigineqarpoq ilaasortat katiternerat allanngortinneqassasoq.

Massakkut ileqqoreqqusat innarluutilinnut tunngasuni inatsisinut atuuttunut naleqqutinnngillat taamaattumillu ileqqoreqqusat allanngortittariaqarput.

Inatsisit naapertorlugit innarluutilinnut ataatsimiititaliami ilaasortat innarluutilinnut aaqqissuussanit aamma kommunimit sinniisunit amerlaqatigiissapput. Taamaattumik qinersinikkut ilaasortanik toqqaasorsinnaanngilaq.

SULIAP SAQQUMMIUNNEQARNERA:

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersup atuutilernertigut piumasaqaataalerpoq kommune innarluutilinnut siunnersuisooqatigiinnik pilersitsissasoq. Innarluutilinnut siunnersuisooqatigiit kommunalbestyrelsimut innarluutilinnut tunngasunik politikkikkut apeqqutitut siunnersuisassapput aammalu innuttaasut kommunalbestyrelsilu akunnerminni najukkami inunnut innarluutilinnut apeqqutit pillugit isiginnittariaasiannik ingerlatitseqqittassallutik.

Massakkut kommunimi innarluutilinnut siunnersuisooqatigiinnut ileqqoreqqusani allaqqavoq, illoqarfinni tamani innarluutilinnut siunnersuisooqatigiinnik pilersitsisoqassasoq. Siunnersuisooqatigiit arfineq marlunnik ilaasortaqaassaaq, taakkunani pingasut innarluutillit peqatigiiffiit sinniisuussallutik. Ilaasortaq ataaseq Ataatsimiititaliaq INUIT-nit toqqarneqassaaq ataatsimiititalilu ilaasortaasariaqarani. Taassuma saniatigut illoqarfinni tamani innarluutilinnut siunnersuisooqatigiinni ilaasortaqaassalluni: Tapersorsorteqarnermut aaqqissuussisoq, najugaqatigiiffinni aqutsisoq, innarluutillillu ornittagaanni aqutsisoq.

Massakkut katiterneqarnerisigut ajornakusoorsinnaavoq illoqarfiit ilaanni ilaasortanik toqqaasinnaaneq, qulaani taaneqartuni sulisunik amigaateqartoqarmat. Taassuma saniatigut ilaasortat amerlassusaat innarluutilinnut aaqqissuussanit aamma kommunimit sinniisut amerlaqatigiinngimmata. Kommunalbestyrelsimut sinniisoq pillugu aamma amigaateqartoqarpoq.

Innarluuteqarnermut tunngasuni inatsisit atuuttut naapertorlugit kommune innarluutilinnut siunnersuisooqatigiinnik pilersitsissuussavoq. Innarluutilinnut siunnersuisooqatigiit sisamat arfineq pingasullu akornanni ilaasortaqaassaaq. Siunnersuisooqatigiit amerlaqatigiinnik ilaasortaqaassapput, kommunalbestyrelsimut sinniisut, kommunimi allaniluunniit atorfillit, kommunimi isumaginninnermut tunngasuni attuumassutilinnik suliaqartuusut, aammalu innarluutilinnut katuffinni sinniisussat. Kommunalbestyrelse innarluutilinnut siunnersuisooqatigiinni sinniisoqassaaq.

Inatsisit atuuttut naapertorlugit siunnersuutigineqarpoq, innarluutilinnut siunnersuisooqatigiinni ileqqoreqqusat allanngortinneqassasut taamaalillutik kommunimi tamarmi innarluutilinnut siunnersuisooqatigiit ataatsimuulissallutik illoqarfinni tamani innarluutilinnut siunnersuisooqatigiinnut ataasiakkaanut taarsiullugu.

Kissaatigineqarsinnaavoq, kommunimi innarluutilinnut siunnersuisooqatigiinnut ilaasortat qinerneqassasut ass. kommunimi meeqqanut siunnersuisooqatigiinnut qinersisarnertuut. Tamannalu innarluutilinnut inatsimmi piumasaqaatit aalajangersakkat pissutigalugit periarfissaanngilaq.

Akerliatigut naatsorsuutigineqarpoq, kommunimi illoqarfinni assigiinngitsuni innarluutilinnut kattuffiit ilaasortanik sisamanik kommunimi inuit innarluutillit sinniisussaannik toqqaasinnaasut. Kommunalbestyrelsimi ilaasortaq ataaseq kommunalbestyrelsimi toqqaarneqassaaq. Taassuma saniatigut ilaasortaq 1-3 toqqaarneqassapput, kommunimi ingerlatsivinni sinniisussat.

Siunnersuummi ileqqoreqqusani nutaani innarluutilinnut siunnersuisooqatigiit siunertaat, atuuffiat suliaasaallu ersarinnerulersinneqarput.

Qinersinermi piffissarititap kommunalbestyrelsip qinigaaffianut piffissarititaq malissavaa taamaalilluni ukiut sisamakkaarlugit qinersisoqartassalluni.

ANINGAASATIGUT KINGUNISSAT:

Innarluutilinnut siunnersuisooqatigiivnik sisamanit naatsorsuutigineqarpoq allaffissornikkut aningaasartuutit aningaasaliissutaasussat annikillissapput.

KINGUNEQAATIT:

Allannguutit kingunerissavaat, kommunimi tamarmi utoqqarnut siunnersuisooqatigiit ataatsimuulissasut innarluutilinnut siunnersuisooqatigiit sisamat taarserlugit.

Taassuma saniatigut allannguutip kingunerissavaa, innarluutilinnut siunnersuisooqatigiit inatsimmut atuuttumut naapertuutissasut.

Siunnersuisooqatigiit katiternerinut piumasaqaatit allanngortinnerisigut innarluutilinnut kattuffinni kommunimilu ilaasortanik toqqaaniarneq ajornannginnerulissaaq.

INATSISITIGUT TUNNGAVIK:

Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersoq

SULIAP SULIARINERA:

Kommunalbestyrelsip kommunimi innarluutilinnut siunnersuisooqatigiinnut ileqqoreqqusanut nutaanut siunnersuut isummerfigissavaa. Kommunalbestyrelsip akuersereernerata kingorna tamanut ammasumik tusarniaassutigineqassapput.

Tamanut tusarniaanermut piffissaliussaq qaangiuppat tusarniaanermi akissutit aamma ileqqoreqqusat Ataatsimiititaliaq INUIT-nut akuerisassanngorlugu nassiunneqassaaq, kingornatigullu kommunalbestyrelsimut.

INASSUTEQAAT:

Inassuteqaatigineqarpoq:

- kommunalbestyrelsimi kommunimi innarluutilinnut siunnersuisooqatigiinnut ileqqoreqqusat nutaat akuerineqassasut
- ileqqoreqqusat akuerineqassappat ileqqoreqqusat tusarniaassutigineqassasut

- tusarniaareernerup kingorna ileqqoreqqusat Ataatsimiititaliaq INUIT-nut kommunalbestyrelsimullu inaarutaasumik akuerisassanngorlugit nassiunneqassasut

ILANNGUSSAQ:

Ilanngussaq 34-01 Forslag til nye vedtægter for Handicaprådet i Kommune Qeqertalik (Eftersendes når oversættelse er færdig)

Ilanngussaq 34-02 Nuværende vedtægter for Handicaprådet i Kommune Qeqertalik gældende fra 18.09.2019

AALAJANGIINEQ:

--

Suliap nr.	22-035	Ilanngussap nr.	35	Journal nr.	
Sammisag	22-035 Nerisassat pillugit politikimi suleriaaseq pillugu siunnersuut				

EQIKKAANEQ:

Kommunalbestyrelse qinnuigineqarpoq Kommune Qeqertalimmi ataatsimoorussamik nerisassat pillugit politikeqarnissamik suliaqarnissaq nalilersoqqullugu

SULIAP SAQQUMMIUNNEQARNERA:

Nerisassat pillugit politikimut oqallinnissamut siunnersuut ilanngunneqarpoq

ANINGAASATIGUT KINGUNISSAT:

- Nerinermi avatangiisit imermillu pissarsisinnaassuseq aningaasaqarnikkut kingunissaqassanngitsoq naatsorsuutigineqarpoq, kisianni sanaartukkanik nutaanik pilersaarusiormi eqqarsaatersuutigineqarpoq.
- Utoqqarnik nerinikitsunik immikkoortiterineq utoqqaat paaqqutarineqarnerannik aningaasatigut kinguneqartitsisinnaavoq, atuisut ikippata, kisianni nammeneq aningaasaqarnikkut sinaakkuteqarnikkut iluatsinneqarsinnaalluni.
- Immuup sukkuani sapigaqarneq aamma immummik tungusunnitsuinnarmik atuinissamut aalajangerneq aningaasartuuteqarnerunermik isumaqarsinnaavoq, kisianni taakkua pisiortorujussuarnermi aaneqarsinnaapput.
- Sukkumik killilersuineq imaluunniit kommunimi missingersuutini piiaanermi naatsorsuutigineqassaaq kommunimi missingersuutini sipaaruteqartoqassasoq
- Nioqqutissat immikkoortiterneri allaffissornikkut annikinnerusumik aningaasartuuteqarfiussaaq ataatsimoortumik pisiortornermit annertuumik ingerlatsineri iluaqutaasuniit
- Paaqqinnittarfinni najukkami nerisassanik sassaallersinnaanerup akulikinnerunera aningaasatigut annertuumik kinguneqarsinnaavoq, kisianni nerisassanut politikimi annertuumik ingerlatsineri iluaqutissani pissarsiarineqarsinnaalluni

KINGUNEQAATIT:

- Kommunimi paaqqinnittarfiit tamarmik naatsorsuutigineqassapput immuup sukkuani sapigalinnut pisiortorneq naleqqussassagaat
- Sanaartugassanut pilersaarutit tamarmik atuisut nerineri avatangiisaannut aamma imermik pissarsisinnaassusaannut isiginninniassapput
- Sukkulinnik pisiortorneq kommunimi paaqqinnittarfinnut tamanut naleqqussassaaq
- Nioqqutissat A neqeroorutigineqassapput toqqorsivinnilu nanineqarsinnaalluni

INATSISITIGUT TUNNGAVIK:

Attuumassuteqartumut innersuussineq:

- Inuussutissat pillugit Inatsisartut inatsisaat nr. 24, 28. november 2019-imeersoq
- Meeqqanut sulii atualingitsunut perorsaanikkut ineriikkartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumut
- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq
- Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-mersooq

SULIAP SULIARINERA:

Ataatsimiititaliani tamani nerisassat pillugit politikip tamarmiusoq ilanngussaq pillugu oqallinneq. Aaqqissorneqareerpat aalajangersarneqareerpallu kommunalbestyrelsimi inaarutaasumik nalilerneqassaaq

INASSUTEQAAT:

Pisortaaqatigiit *ataatsimiititalianut tamanut Kommunalbestyrelsimullu inassuteqaatigaat:*

- Kommunalbestyrelsip suliap ingerlateqqinneqarnissaa sularineqalerpat oqallisissiatut suliap saqqummiunneqarnissaa akuerissangaa

ILANNGUSSAQ:

Ilanngussaq 35-01 Kost-politik forslags-sagsfremstilling til samtlige udvalg (Begge sprog)

AALAJANGIINEQ:

--

Suliap nr.	22-036	Ilanngussap nr.	36	Journal nr.	
Sammisaq	22-036 Taaguusersueriaaseq				

EQIKKAANEQ:

aqqusineeqqat, illoqannginnersat aqqusernillu aqqinik taaguusersuineq aallartisarneqassaaq, taaguusersueriaaserlu allanneqassalluni.

SULIAP SAQQUMMIUNNEQARNERA:

Ukiorpaaluit suliarineqareerlutik Kalaallit Nunaanni najukkat tamarmik Kalaallit Nunaanni Najukkanik Nalunaarsuiffimmi (GAR) katersorneqareersimalerput, maannalu nalunaarsuiffiit assigiiaat atorunnaarsinniarlugit sulissuteqartoqarpoq, taamaallitut kikkut tamarmik najukkanik GAR aqqutigalugit aallersinnaalissammata. Najugaqarfiit pillugit paasissutissat eqqortut nutarternikullu Kalaallit Nunaanni Najukkanik Nalunaarsuiffimmi (GAR) nassaarineqarsinnaapput, aqqusernit aqqinut najukkanullu paasissutissanut maannakkut pingaarnertut aallerfigineqartartoq. Tunngaviusunik paasissutissanik nalunaarsuutit allat ilanngullugit GAR pisortani ingerlatsivimmi tunngaviuvoq.

Kalaallit Nunaanni Najukkanik Nalunaarsuiffimmi (GAR) najugaqarfiit pillugit paasissutissat eqqortut nutarternikullu pingaarnertut aallerfigineqarsinnaasumik pilersitsineq tunngaviusumik paasissutissiiffittut atuutissaaq Naalakkersuisunilu Digitalinngortitsinissamut periusissiamut ilaassalluni.

Kommune Qeqertalimmi taaguusersuineri aalajangiiniarneq

Aqqusernit aqqinut ilisarnaatit misissorneri immikkoortiternerilu allaffissornermi aallartinneqarpoq. Najukkami ataatsimiititaliat attuumassutillit taaguutitut siunnersuutit katersissapput tamatumalu kingornatigut Kommunalbestyrelsimut inassuteqaateqassallutik ataatsimiititaliamut taaguutit toqqaasussamut.

Qinnuteqartitsinikkut pitsaanerpaamik innuttaasunik peqataatitsilerniarluni aamma inuiaqatigiit taaguusersueqataatinniarlugit:

1. Allaffeqarfik: Aqqusernit aqqinut ilisarnaatit suliarineqassapput (Kangaatsiami aqqusernit tamarmik amigaateqarput, illoqarfiit allat ingammik aqqusineeqqat blokinullu aqqutit amigaateqarput)
2. Allaffeqarfik: Najugaqarnermi oqartussaarfimmit nalunaarsorneqarput titartarneqarlutillu
3. Allaffeqarfik: Asiaq pitsaassusiliissaaq
4. Najukkami ataatsimiititaliaq: Aqqusernit aqqinut ilisarnaatit tunngavilersuutinillu pillugit innuttaasunit qinnuteqaatit
5. Kommunalbestyrelse naliliivoq (najugaqarnermi oqartussaaffik peqatigalugu immikkoortunik katiterinermi) taaguutillu pillugit aalajangiilluni

ANINGAASATIGUT KINGUNISSAT:

Soqanngilaq

KINGUNEQAATIT:**INATSISITIGUT TUNNGAVIK:**

Aqquserngit aqqi, katersuuffiit aqqi aqqutissiallu aqqi, najukkat aamma inoqarfiit immikkoortuanut tapiliussat taaguutit pillugit Namminersorlutik Oqartussat nalunaarutaat nr. 38, 9. august 2021-mersooq

Najukkat pillugit Inatsisartut inatsisaat nr. 17, 27. november 2018-imeersooq

Nunat Aqqinik Aalajangiisartut pillugit Inatsisartut inatsisaat nr. 4, 1. juni 2017-imeersooq

SULIAP SULIARINERA:

Inoqarfimmi aalajangiineq

Kommunalbestyrelsimi aalajangiineq

INASSUTEQAAT:

Pisortaqatigiit Ataatsimiititaliaq Inoqarfimmut/ Kommunalbestyrelsimut inassuteqaatigaat:

- Taaguusersueriaaseq akuerineqassasoq
- *Suliaq Kommunalbestyrelsimut aalajangiiffigisassatut ingerlateqqinneqassasoq*

ILANNGUSSAQ:

Ilanngussaq 36-01 Vejledning i adresser (udbedt på grønlandsk, men findes ikke endnu)

AALAJANGIINEQ:

--

ILISIMATITSISSUTIT

Suliap nr.	22-037	Ilanngussap nr.	37	Journal nr.	
Sammisag	22-037 ESANI A/S-imi suliap pillugit ilisimatitsineq				

EQIKKAANEQ:

ESANI A/S-ip Nuummi Sisimiunilu sanaartornermut aningaasaliissutaat pillugit ilisimatitsineq ESANI A/S pillugu ilisimatitsineq ilanngullugu torersaanissamut suliniummut Kommune Qeqertalimmi suliniutigineqartunut aallartinneqartunullu.

SULIAP SAQQUMMIUNNEQARNERA:

ESANI ikuallaavinnut aningaasaliissuteqartarpoq. Nuummi innaallagissamut atassusiinermi teknologi nutaaq aningaasaliissuteqarfigaat, Sermersuumi ikuallaavimmi misilerarneqartoq. Teknologip ikuallaaviup ingerlanneqarneranut pingaarutilimmik sipaaruteqartitsissaaq. ESANI A/S Sermersuumit teknologip sipaaruteqartitsineranik taarsiivigineqassaaq. Nuummi Sisimiunilu maskiinanik ikkussuussinermi eqqakkanullu kraninik aningaasaliisoqarpoq. Nuummi Sisimiunilu ikuallaaviit sanaartornerat neqerooruteqarfigineqarpoq, kisianni neqeroortoqanngilaq. MTH Nuummi sanaartukkami kingornatigut isumaqatigiissuteqartuuvooq, naatsorsuutigineqarporlu assingusumik MTH imaluunniit Sisimiuni sanaartugassat pillugit najukkami entreprenørimik. ESANI A/S maskiinanut 257,5 mio. koruuninik aningaasaliissuteqarpoq.

ESANI A/S Dansk Retur Systemimut suleqateqarnissaq pillugu pitsaasumik isumaqatiginninniarpoq, Kalaallit Nunaanni atoqqiisarnissamik qulakkeerinnittussamik. Aammattaaq suleqateqarnissap qulakkiissavaa, kalaallit atuisut Kalaallit Nunaanni nioqqutissanut utertitsinermi Danmarkimi utertitsisarnermi akit assigisaannik pissarsisarnissaat, taamaallitutik akikinnerusunik nioqqutissaqassalluni. Suliniut Miljøfondimit taparserneqarpoq.

ESANI Miljøfonden aqqutigalugu kommunimi 1,4 mio. koruuninik tapiiffigineqarnissaa qulakkeerpaat illoqarfinni nunaqarfinnilu eqqakkanik piiasarnermut, 2022-mi aasaanerani torersaanissamut suliniut pilersaarutaareersoq naapertorlugu. Suliniut taanna kommunini peqataasuni marloriarluni ingerlanneqassaaq. ESANI Shippingip umiarsuaa North Viking siullermik eqqakkani ikuallanneqarsinnaasunik savimminernillu poortorsimasunik aallertassaaq. Piiagassat atoqqitassallu Danmarkimukaaneqartassapput. Savimmerngit nalingat tulliani assartuineri aningaasaliiffigineqartassaaq, eqqakkat suussusii arlallit ilanngullugit (ass. eqqakkat ulorianaatillit elektroniskiusullu). Assartornerup aappaani apeqqutaassaaq savimmerngit nalingat, taamaattoq assartorneq siulleg qulakkeerneqareerpoq.

ANINGAASATIGUT KINGUNISSAT:

Eqqakkanik piareersaanermi aningaasartuutit DK-milu eqqakkat passunneqarnerannut akiliut kommunimi Eqqakkanut pilersaarummut aningaasaliissutinit 5 mio. koruuniusunit akilerneqassaaq.

KINGUNEQAATIT:

Soqanngilaq

INATSISITIGUT TUNNGAVIK:

- Avatangiisinik illersuineq pillugit Inatsisartut inatsisaat nr. 9, 22. november 2011-imeersoq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq
- Kommune Qeqertalimmi Eqqagassalerineq pillugu pilersaarut ilimagisallu 2022-2033

SULIAP SULIARINERA:

Kommunalbestyrelsimit ilisimatitsissut tiguneqarpoq.

INASSUTEQAAT:

Pisortaaqatigiit Kommunalbestyrelsimut inassuteqaatigaat:

- Ilisimatitsissut tusaatissatut tiguneqassasut.

ILANNGUSSAQ:

Ilanngussaq 37-01 'ESANI pillugu Kommunalbestyrelsimut ilisimatitsineq pillugu'

AALAJANGIINEQ:

--

Suliap nr.	22-038	Ilanngussap normua	38	Journal nr.	
Eqqartugaq	22-038 Kommune Qeqertalimmi ukioq 2018 utoqqaat pillugit qulaajaanermi nalunaarusiaq pillugu ilisimatitsissut				

EQIKKAANEQ:

Kisea Bruun, siunnersorti avataaneersaq ukioq 2018-imi Kommune Qeqertalimmi utoqqaat pillugit qulaajaavoq, maannalu qulaajaanermi nalunaarusiaq kommunalbestyrelsimut ilisimatitsissutigineqarpoq. Nalunaarusiaq tallimannorlugu sananeqarsimavoq;

- Kangaatsiaq, Niaqornaarsuk ilanngullugu
- Qasigiannugit
- Qeqertarsuaq
- Aasiaat
- Kommune Qeqertalik tamakkerlugu nalunaarusiaq

SULIAP SAQQUMMIUNNEQARNERA:

Nalunaarusiani qulaajarneqarput Kommune Qeqertalimmi utoqqaat illuini tamani ineqartut, utaqqisuniittut, sulisut amerlassusaat aamma sulisut ilinniarsimannigitsut amerlassusaat. Kiisalu ilaatigut sumiiffinni ilinniakkamik qaffassaanissamut pisariaqartitsineq, angerlarsimaffinni ikiuuttarneq kiisalu utoqqaat illuisa illutai pillugit oqaaseqaatit.

SULIAP SULIARINEQARFIA:

Kommunalbestyrelsimut ilisimatitsissutaavoq.

INASSUTEQAAT:

Allattoqarfimmiit kommunalbestyrelsimut inassutigineqarpoq ilisimatitsissut tusaatissatut tiguneqassasoq.

ILANNGUSSAT:

Ilanngussaq 38-01 Afdækning ældreomr Qeqertalik samlet Dec.2018_da

Ilanngussaq 38-02 Afdækning ældreomr Qeqertalik samlet Dec 2018_kal

Ilanngussaq 38-03 Afdækning ældreomr Kangatsiaq Dec.2018_da

Ilanngussaq 38-04 Afdækning ældreomr Qasigiannugit Dec 2018_da

Ilanngussaq 38-05 Afdækning ældreomr Qeqertarsuaq Dec.2018_da

Ilanngussaq 38-06 Afdækning ældreomr Aasiaat Dec.2018_da

AALAJANGERNEQ:

--

ATAATSIMIINNEQ NAAVOQ:**ATSIORFISSAQ:**

Hansen, Ane

Lundblad, Frantz

Broberg, Bia A.

Nathanielsen, Karl Thue

Aronsen, Hans

Lundblad, Klaus

Kristensen, Niels

Larsen, Mariane S.

Jeremiassen, Kristian

Heilmann, Simigaaq

Kristensen, Naja

Jeremiassen, Nikkulaat

Sandgreen, Enok

Samuelson, Aqqa

Frederiksen, Ole I.
